



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

17 նոյեմբերի 2020 թվականի N 1805 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ
ՆՈՅՏԵՄԲԵՐԻ 2-Ի N 1911-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ
ԿԱՏԱՐԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» Հայաստանի Հանրապետության օրենքի 34-րդ հոդվածը՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2006 թվականի նոյեմբերի 2-ի «Հայաստանի Հանրապետության մարզերի առողջապահության համակարգերի օպտիմալացման ծրագրերը հաստատելու մասին» N 1911-Ն որոշման N 9 հավելվածի՝ Հայաստանի Հանրապետության Շիրակի մարզի առողջապահության համակարգի օպտիմալացման ծրագրի «I. Գյումրի քաղաք» բաժնի 8-րդ կետը շարադրել հետևյալ խմբագրությամբ.

«8. Փակել «Գյումրու ուռուցքաբանական դիսպանսեր» պետական փակ բաժնետիրական ընկերության ճառագայթային բաժանմունքը՝ 10 մահճակալ հզորությամբ, իսկ ուռուցքաբանական բաժանմունքի մահճակալների քանակը կրճատել՝ առկա 20 մահճակալից դարձնելով 12 մահճակալ:

Վերակազմակերպել «Գյումրու ուռուցքաբանական դիսպանսեր», «Գյումրու ծննդատուն» և «Գյումրու պաթոլոգոանատոմիական լաբորատորիա» փակ բաժնետիրական ընկերությունները՝ վերջիններս միացնելով «Գյումրու բժշկական կենտրոն» փակ բաժնետիրական ընկերությանը: Լրացուցիչ բաժնետոմսեր թողարկելու և տեղաբաշխելու միջոցով ավելացնել «Գյումրու բժշկական կենտրոն» փակ բաժնետիրական ընկերության կանոնադրական կապիտալի չափը: Վերակազմակերպումից հետո «Գյումրու բժշկական կենտրոն» փակ բաժնետիրական ընկերության մասկաբարձագինեկոլոգիական բաժանմունքը՝ 30 մահճակալ հզորությամբ, ծավալել «Գյումրու բժշկական կենտրոն» փակ բաժնետիրական ընկերությանը միացված «Գյումրու ծննդատուն» փակ բաժնետիրական ընկերության մասնաշենքում, պաթոլոգոանատոմիական ծառայությունը տեղակայել «Գյումրու բժշկական կենտրոն» փակ բաժնետիրական ընկերությանը միացված «Գյումրու պաթոլոգոանատոմիական լաբորատորիա» փակ բաժնետիրական ընկերության տարածքում, իսկ ուռուցքաբանական բաժանմունքը՝ 12 մահճակալ հզորությամբ, տեղափոխել «Գյումրու բժշկական կենտրոն» փակ բաժնետիրական ընկերության մասնաշենք:

Ազատել և Հայաստանի Հանրապետության տարածքային կառավարման և ենթակառուցվածքների նախարարության պետական գույքի կառավարման կոմիտեին հանձնել «Գյումրու բժշկական կենտրոն» փակ բաժնետիրական ընկերությանը միացված «Գյումրու ուռուցքաբանական դիսպանսեր» փակ բաժնետիրական ընկերության 1940.67 քառ. մետր տարածքով հիվանդանոցի շենքը և 28 քառ. մետր տարածքով գեներատորը (անշարժ գույքի նկատմամբ իրավունքի պետական գրանցման վկայական N 15062020-08-0018): Բաժնետոմսերի հետզնման և մարման միջոցով նվազեցնել «Գյումրու բժշկական կենտրոն» փակ բաժնետիրական ընկերության կանոնադրական կապիտալը:

Ստորև ներկայացված է Գյումրի քաղաքի մահճակալային ֆոնդը՝ ըստ առանձին ծառայությունների և բժշկական կազմակերպությունների՝

Կազմակերպության անվանումը	Բաժանմունքները	Մահճակալների թիվը
Գյումրու բժշկական կենտրոն	թերապևտիկ	50
	սրտաբանական	50
	Վիրաբուժական (ներառյալ ընդհանուր վիրաբուժական՝ անոթային, ակնաբուժական քիթ-կոկորդ-ականջաբանական, ներյուվիրաբուժական, ուռուղղիական, վնասվածքաբանական	100
	վերակենդանացման և հետվիրահատական ինտենսիվ բուժման	(8 թերապևտիկ, 6 վիրաբուժական)
	մանկաբարձագինեկոլոգիական բաժանմունք	30
	ուռուցքաբանական	12
	ԸՆԴԱՄԵՆԸ	242
Գյումրու մոր և մանկան ավատրիական հիվանդանոց	մանկական սոմատիկ	35
	մանկական վիրաբուժական	35
	մանկաբարձագինեկոլոգիական բաժանմունք	30
	վերակենդանացման և հետվիրահատական ինտենսիվ բուժման	(4 մանկաբարձ-գինեկոլոգիական և 6 մանկական)
	ԸՆԴԱՄԵՆԸ	100
Ինֆեկցիոն հիվանդանոց	ինֆեկցիոն	40
Հոգեկան առողջության կենտրոն	հոգեբուժական	65
Ընդամենը՝ Գյումրի քաղաքում		447

Աղյուսակում ներկայացված վերակենդանացման մահճակալների թիվը հիվանդանոցի մահճակալների ընդհանուր թվի հաշվարկ կատարելիս հաշվի չի առնվել:»:

2. Հայաստանի Հանրապետության Շիրակի մարզպետին՝

1) սույն որոշումն ուժի մեջ մտնելուց հետո 8 ամսվա ընթացքում ավարտել սույն որոշմամբ նախատեսված աշխատանքների իրականացումը՝ Հայաստանի Հանրապետության քաղաքացիական օրենսգրքի, «Բաժնետիրական ընկերությունների մասին» Հայաստանի Հանրապետության օրենքի պահանջներին համապատասխան.

2) սույն որոշումն ուժի մեջ մտնելուց հետո 9 ամսվա ընթացքում Հայաստանի Հանրապետության վարչապետի աշխատակազմ և Հայաստանի Հանրապետության առողջապահության նախարարություն ներկայացնել հաշվետվություն սույն որոշմամբ նախատեսված աշխատանքների իրականացման մասին:

3. Սահմանել, որ սույն որոշմամբ նախատեսված շենքերի սեփականության իրավունքների փոփոխության արդյունքում հաշվարկվող ավելացված արժեքի հարկը և շահութահարկը վճարվում են տվյալ տարվա «Հայաստանի Հանրապետության պետական բյուջեի մասին» Հայաստանի Հանրապետության օրենքով սահմանված կարգով:

4. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ